



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 _____/14

Datum: _____, 2016. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj ____ sjednici održanoj dana ____ 2016. godine, donosi

**ODLUKU O IZMJENI ODLUKE O OPISU GRANICA, OZNAČAVANJU NASELJENIH
MJESTA TE NUMERISANJU OBJEKATA U NASELJENIM MJESTIMA NA PODRUČJU
OPĆINE TEŠANJ**

Član 1.

Ovom Odlukom mijenja se Odluka o opisu granica, označavanju naseljenih mjesta te numerisanju objekata u naseljenim mjestima na području općine Tešanj ("Službeni glasnik Općine Tešanj", broj: 3/15).

Član 2.

U članu 6. Odluke izmijeni i dopuni Odluke o opisu granica, označavanju naseljenih mjesta te numerisanju objekata u naseljenim mjestima na području općine Tešanj ("Službeni glasnik Općine Tešanj", broj: 3/15)

**briše se stav 1., stav 3. i stav 4., a
dosadašnji stav 2. postaje stav 1.**

Član 3.

Ostali dio teksta Odluke ostaje neizmijenjen.

Član 4.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Senad Subašić, dipl.oec.

O b r a z l o ž e n j e

I PRAVNI OSNOV

Pravni osnov za donošenje ove Odluke sadržan je u članu 14. Statuta općine Tešanj ("Službeni glasnik Općine Tešanj", broj: 11/07).

II RAZLOZI DONOŠENJA ODLUKE

Odlukom o opisu granica, označavanju naseljenih mjesta, te numerisanju objekata u naseljenim mjestima na području općine Tešanj ("Službeni glasnik Općine Tešanj" broj: 3/15)

u članu 6. stav 1. određeno je da **"Vlasnik objekta za dodjelu kućnog broja, troškove nabavke i postavljanje pločice sa kućnim brojem plaća naknadu."** U stavu 3. člana 6. određeno je da **"Ako se nakon uspostave adresnog registra desi izmjena naziva naseljenog mjesta, vlasnik objekta nije dužan snositi troškove iz stava 1. ovog člana."** U stavu 4. član 6. određeno je da se **"Naknada uplaćuje u korist Budžeta općine Tešanj."**

Projekat uspostave kućnih brojeva, odnosno aktivnosti na označavanju nazivima naseljenih mjesta, ulica, trgova i pločica sa kućnim brojevima finansira se iz donatorskih sredstava i sredstava budžeta Općine Tešanj.

Općina Tešanj je u Budžetu Općine Tešanj za 2015.g. planirala sredstva za označavanje naseljenih mjesta, ulica, trgova, označavanje objekata brojevima i uspostava adresnog registra u iznosu od 45.000,00KM, dok je za 2016.g. planiran iznos za ove namjene u visini od 30.000,00KM, što ukupno iznosi 75.000,00KM.

Naknada će se plaćati samo u slučaju potrebe izdavanja uvjerenja o kućnom broju uz naknadu određenu u Odluci o dopuni i izmjeni Odluke o općinskim administrativnim taksama i naknadama ("Službeni glasnik Općine Tešanj", broj: 6/15).

Tehnikom izvedbe smanjeni su planirani troškovi, provedena je javna nabavka i procjenjeno je da se uz donatorska sredstva i planirana bužetska sredstva može realizovati projekat bez finansiranja od građana.

Slijedom naprijed izloženog, ukazala se potreba za izmjenom Odluke, te se dostavlja ovaj Prijedlog Odluke općinskom vijeću na razmatranje.

OBRADIVAČ

Služba za katastar, urbanizam
i imovinsko pravne poslove

PREDLAGAČ

Općinski načelnik

Nadir Medarić, dipl. ing.geodezije

Mr.sci. Suad Huskić, profesor

Broj: 02-31-8-58-79-22/14.

Datum: 16.02.2016. godine.